

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA PILI

KIKAO CHA SITA

02 FEBRUARI, 2016



ORODHA YA SHUGHULI ZA LEO

MKUTANO WA PILI

KIKAO CHA SITA – TAREHE 02 FEBRUARI, 2016

I. KIAPO CHA UAMINIFU:

Mhe. Dkt. Augustine Philip Mahiga

II. MASWALI:

OFISI YA RAIS (TAMISEMI):

62. MHESHIMIWA MGUMBA TEBWETA OMARY (MOROGORO KUSINI MASHARIKI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Vijana ndiyo nguvu kazi kubwa katika taifa letu na Serikali haina uwezo wa kutoa ajira kwa vijana wote kwa sasa:-

(a) Je, ni lini Serikali itawawezesha kifedha vijana wa vijiji vyote 64 vya Jimbo la Morogoro Kusini Mashariki katika makundi ili waweze kujiajiri wenyewe na kupunguza tatizo la ajira na umasikini kwa vijana na akina mama;

(b) Je, ni lini Serikali itaanzisha kituo maalum cha kuwawezesha vijana kupata sehemu ya kujifunzia kwa vitendo shughuli mbalimbali za ujasiriamali na kupata taarifa mbalimbali za maendeleo.

OFISI YA RAIS (UTUMISHI NA UTAWALA BORA):

63. MHESHIMIWA MAGDALENA HAMISI SAKAYA (KALIUA):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Malengo ya TASAF III ni kunusuru kaya maskini hapa nchini na kutengeneza miundombinu kutokana na mahitaji, na uibuaji wa kaya maskini unafanywa na Wananchi kwenye mikutano ya hadhara:-

(a) Je, ni vigezo gani vinatumika kuondoa kaya zilizopendekezwa kwenye mradi na kubakiza kaya chache wakati malengo ya kaya zinazohitajika Wananchi wameshapewa tangu awali;

(b) Katika Wilaya ya Kaliua vijiji vilivyoingia kwenye miradi ni 54 tu wakati katika vijiji vyote kuna kaya maskini sana; Je, ni lini Serikali itapeleka mpango wa TASAF III kwenye vijiji vilivyobakia kwenye Wilaya hiyo.

OFISI YA MAKAMU WA RAIS:

64. MHESHIMIWA HAFIDH ALI TAHIR (DIMANI):

Atamuuliza Mheshimiwa Waziri wa Nchi, Ofisi ya Makamu wa Rais:- Rais wa Tanzania wa awamu ya nne, Mhe. Dkt. Jakaya Kikwete wakati akitembelea kijiji cha Kichako Punda Uwandani katika Shehia ya Maungani Jimbo la Dimani tarehe 25/1/2008 aliahidi ujenzi wa kituo cha afya kwa Wananchi wa Kichaka Punda Uwandani pamoja na kuweka umeme na maji kutoka Kijiji cha Jitimai hadi Skuli:-

- (a) Je, ni lini Serikali itatekeleza ahadi hizo za muda mrefu;
- (b) Je, Serikali itakubaliana nami kuwa utekelezaji wa ahadi hizo utaongeza ari katika umoja uliopo ikiwa ni pamoja na kuimarisha Muungano.

WIZARA YA MALIASILI NA UTALII:

65. MHESHIMIWA RISALA SAIDI KABONGO (VITI MAALUM):

Atamuuliza Mheshimiwa Waziri wa Maliasili Na Utalii:- Hifadhi za Taifa za Mikoa ya Kusini za Ruaha, Kitulo, Udzungwa, Mikumi, Katavi na maeneo mengine ya kihistoria husifika sana kwa vivutio vyake lakini hutembelewa na idadi ndogo sana ya watalii na hivyo kuwa na mapato madogo

na kuwa tegemezi kwa Hifadhi za Mikoa ya Kaskazini:-

- (a) Je, Serikali ina mpango gani wa muda mfupi na mrefu wa kuongeza idadi ya wageni katika Hifadhi hizo;
- (b) Je, Serikali ina mikakati gani ya kuboresha miundombinu ya Barabara, malazi na viwanja vya ndege katika Hifadhi hizo kwa matumizi ya watalii;
- (c) Je, kwa nini Serikali isishirikiane na wawekezaji binafsi ili kuwekeza katika maeneo ya utalii kwenye Hifadhi hizo za Mikoa ya Kusini.

66. MHESHIMIWA MARWA RYOBA CHACHA (SERENGETI):

Atamuuliza Mheshimiwa Waziri wa Maliasili na Utalii:- Wananchi wa Serengeti wamekuwa wakiathirika sana na wanyama pori hususan tembo ambao huharibu na kula mazao ya Wananchi katika mashamba yao na kuikosesha Halmashauri mapato:-

- (a) Je, Serikali itarejesha chanzo cha mapato yaani 'bed fee' na sehemu ya 'gate fee' kwa Halmashauri ya Wilaya ya Serengeti;
- (b) Makampuni mengi ndani ya hifadhi yanagoma kulipa ushuru wa huduma

(service levy) kwa Halmashauri, Je, Serikali inaisaidiaje Halmashauri ya Wilaya ya Serengeti kupata ushuru huu wa huduma.

WIZARA YA NISHATI NA MADINI:

67. MHESHIMIWA RICHARD MGANGA NDASSA (SUMVE):

Atamuuliza Mheshimiwa Waziri wa Nishati na Madini:- Miradi ya Umeme ya REA awamu ya kwanza na ya pili inaendelea vizuri:-

Je, ni lini miradi ambayo haijakamilika itakamilika hasa ikizingatiwa kuwa Serikali iliahidi kukamilika kwa miradi hiyo kabla ya 30 Juni, 2015.

68. MHESHIMIWA JAMES KINYASI MILLYA (SIMANJIRO):

Atamuuliza Mheshimiwa Waziri wa Nishati na Madini:- Madini ya Tanzanite yanapatikana Tanzania tu katika Wilaya ya Simanjiro tofauti na Dunia inavyopotosha kuwa madini hayo yanatoka India na Kenya ambako huenda Serikali hizo huwapa mitaji wafanyabiashara wao:-

Je, Serikali ina mikakati gani wa kuwasaidia Watanzania wanaofanya biashara ya Tanzanite kwa kuwapatia mitaji ili waweze kushindana na wafanyabiashara wa nje.

WAZIRI WA MAMBO YA NDANI YA NCHI:

69. MHESHIMIWA BONIVENTURA DESTERY KISWAGA (MAGU):

Atamuuliza Mheshimiwa Waziri wa Mambo ya Ndani ya Nchi:- Pamoja na kwamba Polisi ni walinzi wa Raia na mali zao, ila wanakabiliwa na changamoto za nyumba za kuishi, maslahi duni na ukosefu wa vitendea kazi:-

- (a) Je, Serikali ina mpango gani wa kuboresha vitendea kazi kama magari na mafuta;
- (b) Je, Serikali ina mpango gani wa kujenga nyumba za Askari Polisi na kuboresha mishahara yao.

70. MHESHIMIWA MATTAR ALI SALUM (SHAURIMOYO):

Atamuuliza Mheshimiwa Waziri wa Mambo ya Ndani ya Nchi:-

Je, ni lini Serikali itamalizia ujenzi wa Kituo cha Polisi Mkokotoni kilichoko Unguja.

71. MHESHIMIWA ALLY SALEH ALLY (MALINDI):

Atamuuliza Mheshimiwa Waziri wa Mambo ya Ndani:- Yamekuwepo malalamiko mengi ya kuongezeka kwa vitendo vya uhalifu wa kupiga watu, kuwatesa, kuchoma mali na kutishia amani katika kisiwa cha Unguja Wilaya za Magharibi na Mjini na kwamba wahusika wamekuwa hawajulikani:-

- (a) Je, kwa nini hali hiyo imeachwa kuendelea kwa muda mrefu;
- (b) Je, ni kwa nini jeshi la polisi limeshindwa kuwakamata wahusika;
- (c) Je, Wananchi hao wategemee lini vitendo hivyo kutoweka.

WIZARA YA MAJI NA UMWAGILIAJI:

72. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Maji na Umwagiliaji:-

Je, Serikali itakamilisha lini ukarabati wa mradi wa maji wa Ntomiko ili kuwaondolea Wananchi adha ya ukosefu wa maji kwenye vijiji vya Sambwa, Kirikima, churuku, Jangalo, Jinjo, Hamai, Songolo na Madaha.

**73. MHESHIMIWA DUA WILLIAM NKURUA
(NANYUMBU):**

Atamuuliza Mheshimiwa Waziri wa Maji na Umwagiliaji:- Mhe. Rais wa awamu ya nne alitoa ahadi Mkoani Mtwara ya kumaliza tatizo la maji katika mji wa Mangaka kwa kuchukua maji kutoka mto Ruvuma mradi ambao pia ungeweza kutatua tatizo la maji katika vijiji zaidi ya kumi na mbili (12) vitakavyopitiwa na bomba kuu la mradi huo:-

Je, utekelezaji wa ahadi hiyo umefikia wapi.

WIZARA YA UJENZI, UCHUKUZI NA MAWASILIANO:

**74. MHESHIMIWA MARGARET SIMWANZA SITTA
(URAMBO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa barabara ya Tabora – Ndono – Urambo ulikuwa unaendelea vizuri kabla ya shughuli hizo za ujenzi kusimamishwa ghafla kilomita tano nje ya mji ya Urambo kwa karibu mwaka sasa:-

Je, ni lini ahadi ya Serikali ya kujenga kilomita nane kupitia katikati ya mji wa Urambo itatekelezwa.

**75. MHESHIMIWA GEORGE MALIMA LUBELEJE
(MPWAPWA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Mheshimiwa Rais wa awamu ya nne, Dkt. Jakaya Mrisho Kikwete aliahidi kujenga barabara ya Mbande – Kongwa – Mpwapwa kwa kiwango cha lami; na barabara hiyo tayari imekwishafanyiwa upembuzi yakinifu:-

Je, ni lini sasa Serikali itaanza kujenga barabara hiyo kwa kiwango cha lami.

**76. MHESHIMIWA FLATEI GREGORY MASSAY
(MBULU VIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Mbulu – Hydrom – Babati – Dongobeshi imekuwa na miundombinu mibovu na haipitiki muda wote wa mwaka na kumekuwepo na ahadi ya kutengeneza barabara hiyo kwa kiwango cha lami:-

Je, Serikali itatekeleza lini ahadi hiyo ambayo pia imetolewa na Mheshimiwa Rais wa awamu ya tano.

III. KAMATI YA MIPANGO:

(Majadiliano yanaendelea)

**DODOMA
02 FEBRUARI, 2016**

**DKT. T. D. KASHILILAH
KATIBU WA BUNGE**